

Dr. Lada Sadiković, redovna profesorica, predsjednik Komisije  
Fakultet za kriminalistiku, kriminologiju i sigurnosne studije Univerziteta u Sarajevu  
Oblast: Ustavno pravo

Dr. Nezir Krčalo, redovni profesor, član Komisije  
Fakultet za upravu-pridružena članica Univerziteta u Sarajevu  
Oblast: Društveno-humanistička



Dr. Elmir Sadiković, vanredni profesor, član Komisije  
Fakultet političkih nauka Univerziteta u Sarajevu  
Oblast: Politologija

Sarajevo, 1. oktobar 2021. godine

VIJEĆU FAKULTETA ZA UPRAVU-PRIDRUŽENA ČLANICA UNIVERZITETA U  
SARAJEVU I SENATU UNIVERZITETA U SARAJEVU

Na osnovu Zakona o visokom obrazovanju Kantona Sarajevo ("Službene novine Kantona Sarajevo", broj 33/17), Pravila Univerziteta u Sarajevu, Pravila Fakulteta za upravu-pridružene članice Univerziteta u Sarajevu, Odluke Vijeća Fakulteta za upravu-pridružene članice Univerziteta u Sarajevu, broj: 375/21, od 06.07.2021. i Odluke Senata Univerziteta u Sarajevu, broj: 01-12-49/21, od 22.07.2021., raspisan je Konkurs za izbor jednog nastavnika u zvanju vanredni profesor na Državno-pravnu naučnu oblast, puno radno vrijeme. Na Konkurs, objavljen 13.09.2021. godine u dnevnom listu "Blic", web stranici Univerziteta u Sarajevu ([www.unsa.ba](http://www.unsa.ba)) i web stranici Fakulteta za upravu-pridružene članice Univerziteta u Sarajevu ([www.fu.unsa.ba](http://www.fu.unsa.ba)), prijavio se jedan kandidat i to **doc. dr. Emir Tahirović**, navodeći da se prijavljuje za izbor u zvanje vanrednog profesora.

Na osnovu Odluke Vijeća Fakulteta za upravu-pridružene članice Univerziteta u Sarajevu, broj: 552-2/21, od 30.09.2021. godine, imenovani smo za članove Komisije za pripremu prijedloga i Izvještaja o izboru nastavnika u zvanje vanredni profesor na Državno-pravnoj naučnoj oblasti u puno radno vrijeme.

Prema Potvrdi Službe za pravne i personalne poslove Fakulteta za upravu-pridružene članice Univerziteta u Sarajevu, broj ,550/21 od 28.09.2021., Komisija je utvrdila da je prijavljeni kandidat doc. dr. Emir Tahirović blagovremeno dostavio potpunu dokumentaciju, usklađenu sa uslovima iz Konkursa i predviđenu zakonskim propisima i drugim aktima (članovi 96. i 115. Zakona o visokom obrazovanju Kantona Sarajevo, "Službene novine Kantona Sarajevo", broj 33/17 i članovi 194, 201, 202. i 203. Statuta Univerziteta u Sarajevu).

Kandidat doc. dr. Emir Tahirović je priložio biografiju/CV (u štampanoj i elektronskoj formi), izvod iz matične knjige rođenih, uvjerenje o državljanstvu, diplome završenog prvog, drugog i trećeg ciklusa studija, dokaz o provedenom izbornom periodu u zvanju docenta, spisak objavljenih radova sa naznakom autorstva (u štampanoj formi), dokaz o publikovanju radova (objavljene radove u štampanoj formi i/ili potvrdu o prihvatanju radova za objavljivanje nakon uspješno okončanog *duble blind peer review* procesa), dokaz o uspješno okončanom mentorstvu najmanje jednog kandidata za stepen drugog ciklusa studija, dokaz o učešću u projektima, te dokaz i informacije o drugim aktivnostima vezanim za njegovu naučnu i stručnu aktivnost. Na osnovu pregleda Prijave i priložene dokumentacije, Komisija podnosi Vijeću Fakulteta za upravu-pridružena članica Univerziteta u Sarajevu i Senatu Univerziteta u Sarajevu slijedeći:

## IZVJEŠTAJ

### 1. BIOGRAFSKI PODACI

**Emir Tahirović** rođen je 4. septembra 1974. godine u Sarajevu. Osnovnu i Srednju školu završio je u Sarajevu 1993. godine. Godine 1994. odlazi na studij u Beč (Republika Austrija) na Univerzitet za muziku i primjenjene umjetnosti (*Universität für Musik und darstellende Kunst Wien*). Tokom studija stipendiran od strane Federalnog ministarstava za obrazovanje, nauku i istraživanje Republike Austrije. Završava dodiplomski studij 2000. godine. Od 2000. do 2004. godine pohađa i uspješno završava Magistarski studij, čime stiče zvanje Magistar umjetnosti (*Magister artium*). Doktorski studij upisuje na Fakultetu za upravu-pridružena članica Univerziteta u Sarajevu, gdje 2018. godine brani doktorsku disertaciju na temu "Uloga kulturnih politika u društvenom razvoju lokalne zajednice", pod mentorstvom prof. dr. Elmira Sadikovića, čime je stekao naučni stepen Doktor upravnih nauka.



Prvi radni angažman zasniva 2000. godina u Srednjoj muzičkoj školi u Sarajevu. Na Fakultetu za upravu- pridružena članica Univerziteta u Sarajevu zasniva radni odnos na poziciji stručnog saradnika za edukaciju 2006. godine, a asistentski angažman zasniva na predmetu "Kulturne politike".

Od 2018. godine radi kao nastavnik u zvanju docenta na "Državno-pravnoj" naučnoj oblasti na Fakultetu za upravu- pridružena članica Univerziteta u Sarajevu. Kandidat se aktivno služi njemačkim i engleskim jezikom, vlada kompjuterskim vještinama, te posjeduje adekvatno nastavno-pedagoško iskustvo.

## 2. PROFESIONALNI ANGAŽMAN

- |                        |  |
|------------------------|--|
| <b>2018 – trenutno</b> | Fakultet za upravu- pridružena članica Univerziteta u Sarajevu, nastavnik u zvanju docent na "Državno-pravnoj" naučnoj oblasti       |
| <b>2014 – 2018.</b>    | Fakultet za upravu- pridružena članica Univerziteta u Sarajevu, saradnik u zvanju viši asistent na "Državno-pravnoj" naučnoj oblasti |
| <b>2006 – 2014.</b>    | Fakultet za upravu- pridružena članica Univerziteta u Sarajevu, stručni saradnik za edukaciju  |
| <b>2000 – 2006.</b>    | Srednja muzička škola Sarajevo   |

Na Fakultetu za upravu- pridružena članica Univerziteta u Sarajevu dr. Emir Tahirović je zaposlen od 2006. godine, kada je angažovan kao stručni saradnik za edukaciju. Od 2014. godine angažovan je u svojstvu višeg asistenta na "Državno-pravnoj" naučnoj oblasti na predmetu "Kulturne politike". Pored nastavnih aktivnosti, u toku svog dosadašnjeg rada na Fakultetu za upravu- pridružena članica Univerziteta u Sarajevu obavljao je dužnosti saradnika za edukaciju, u sklopu koje su realizovane edukacije kroz koje je prošlo nekoliko hiljada državnih službenika. Ove aktivnosti su realizovane u saradnji sa Agencijom za državnu službu Federacije Bosne i Hercegovine, a i samostalno Fakulteta za upravu.

Od 2018. godine član je redakcije časopisa "Uprava", te je predsjednik Organizacionog odbora Međunarodne konferencije ICAMSS, u sklopu koje je uspješno realizovana prva međunarodna konferencija ICAMSS 2019 u saradnji sa Njemačkom agencijom za razvoj i saradnju (*Deutsche Gesellschaft für Internationale Zusammenarbeit-GIZ*).

### 3. NAUČNO-ISTRAŽIVAČKI RAD

#### 3.1. Knjige, istraživačke monografije i poglavlja u knjigama

1. Tahirović E., Kuka E.: **Osnove javnih politika**, Fakultet za upravu- pridružena članica Univerziteta u Sarajevu, Sarajevo, 2020 (recenzenti: acc. prof. dr. Mirko Pejanović, prof. dr. Elmira Sadiković, dr. Dritan Abazović), (331 str.), ISBN 978-9958-578-08-3, COBISS.BH-ID 29000966.

*Udžbenik "Osnove javnih politika" je prvo izdanje pripremljenih predavanja na ovom uvodnom predmetu. Ovo je izdanje prvenstveno namijenjeno redovnim i vanrednim studentima Fakulteta za upravu – pridružena članica Univerziteta u Sarajevu, kao i svim drugim studentima koji studiraju i polažu ovaj predmet prema važećem nastavnom planu i programu na matičnim fakultetima. Udžbenik je u osnovi sadržajno prilagođen nastavnom planu i programu kao obaveznom okviru za ovaj predmet. U koncipiranju ovog udžbenika primjenjen je moderan pristup javnim politikama s ciljem lakšeg razumijevanja složene materije kojom se bavi ova poddisciplina političkih nauka. Osim toga, udžbenik omogućava sistemsko izučavanje problema i teorija vezanih za javne politike i analizu javnih politika, što je bitan uvjet uspješnog obrazovanja studenata iz različitih oblasti društvenih nauka, kao i njihove kompetentnosti u poznavanju fundamentalnih znanja iz domena javnih politika. Udžbenik je pisan koncizno, zanimljivo i uz pristup koji će osigurati čitljivost. Pri tome se nastojalo gradivo izložiti na način koji ne iziskuje veliko predznanje iz javnih politika. Uložen je značajan trud da se zorno pokažu pojedine funkcionalne veze i međuovisnosti između javnopolitičkih varijabli kako bi se olakšalo njihovo razumijevanje. Budući da je koncipiran kao udžbenik, odnosno komplementarno nastavno sredstvo, treba ga koristiti kombinirano, zajedno sa knjigama iz popisa literature. Ovaj je udžbenik od posebnog značaja vanrednim studentima, koji redovno ne prate predavanja i vježbe. Udžbenik im može poslužiti kao početna literatura, koja ih, na jednostavan način, uvodi u predmet "Osnove javnih politika" i olakšava im ulaz u samostalno savladavanje temeljnih pojmova, načela, koncepcija i teorija javnih politika. Prilikom pisanja ovog udžbenika uzete su u obzir i implementirane savremene metode izvođenja nastave. Udžbenik je specifičan, jer predstavlja skup najprikladnijih elaboracija i objašnjavanja pojava, procesa i odnosa iz domena javnih politika. Očekuje se da će biti od pomoći studentima u lakšem savladavanju nastavnih tema i razumijevanju i studiranju pojedinih poglavlja*

(modula) iz javnih politika. Jer, svaki napor uložen u savladavanje gradiva iz javnih politika zasigurno je isplativa investicija u vlastitu budućnost i osobni intelektualni napredak.

### 3.2. Naučni radovi u časopisima i zbornicima radova (*peer review journals and peer review proceedings*)

1. Kuka, E., Tahirović, E. i Đ. Šašić: *The importance and role of personnel education in the process of public administration reform in Bosnia and Herzegovina*. Objavljeno 01.07.2021. na 36. EBES Konferenciji – Istanbul, 2021. ([https://ebesweb.org/wp-content/uploads/2021/07/36th-EBES-Conference-Program\\_f.pdf](https://ebesweb.org/wp-content/uploads/2021/07/36th-EBES-Conference-Program_f.pdf))

Indeksirano u sljedećim bazama: EBES journal, (EABR and EAER) are published by Springer and both are indexed on the SCOPUS, EBSCO, Google scholar, EBSCO discovery service, ProQuest International Bibliography of the Social Science (IBSS).

*U radu je prezentiran značaj ljudskog kapitala koji je postao ključ uspjeha i efikasnosti gotovo svih institucija i organizacija. Jedan od problema sa kojim se suočava javna uprava jeste nedovoljan broj adekvatno obrazovanog i educiranog te kompetentnog kadra. Ovaj problem je posebno izražen u tranzicijskim zemljama uključujući i Bosnu i Hercegovinu.*

2. Tahirović, E., Sadiković, E., Kuka, E. i Đ. Šašić: *Cultural policy of local government*. Objavljeno 01.07.2021. na 36. EBES Konferenciji – Istanbul, 2021. ([https://ebesweb.org/wp-content/uploads/2021/07/36th-EBES-Conference-Program\\_f.pdf](https://ebesweb.org/wp-content/uploads/2021/07/36th-EBES-Conference-Program_f.pdf))

Indeksirano u sljedećim bazama: EBES journal, (EABR and EAER) are published by Springer and both are indexed on the SCOPUS, EBSCO, Google scholar, EBSCO discovery service, ProQuest International Bibliography of the Social Science (IBSS).

*Cilj ovog istraživanja je analiza prednosti i mogućnosti kulturnih politika lokalne zajednice te ograničavajući lokalni rast na nivou teritorijalne organizacije Bosne i Hercegovine. U radu su predstavljeni problemi sa kojima se suočava lokalna administracija u sprovođenju lokalnih kulturnih politika. Postavlja se pitanje u kojoj mjeri je kultura prepoznata kao šansa za razvoj.*



3. Šašić, Đ., Tahirović, E., Tanović, M. i S. Šehić-Kršlak: *Performance measurement in local government units in the function of public service improvement*, EMC Review - Časopis za ekonomiju i tržišne komunikacije, Banja Luka, broj 2, 2021.  
(<http://www.emc-review.com/emc-review>)  
Indeksirano u sljedećim bazama: ESCI (Clarivate Analytics, Web of Science, Thomson Reuters); ERIHPLUS; EBSCO; Index Copernicus; Cite Factor; Google Scholar; DOI Srpska; Crossref; ROAD ISSN; WorldCat i ESJI-index).  
*Lokalna zajednica ponovo pobuđuje pažnju i u svjetlu mjerenja učinka u jedinicama lokalne uprave u funkciji poboljšanja javnih usluga. Javne usluge jesu ono najvažnije što administracija treba isporučiti građanima i to je glavna tema ovog rada, kako i na koji način te iste usluge mogu biti mjerene.*
4. Tahirović, E. i E. Kuka: *Problemi i kontraverze javnog odlučivanja u Bosni i Hercegovini*, Uprava-časopis za upravu i upravno pravo, Fakultet za upravu-pridružena članica Univerziteta u Sarajevu, Sarajevo, Vol. 11, broj 1/20, 2020, str. 73-94 (ISSN 1986-5813 – Print; UDK: 3.07:642 (497.6)).  
(<https://journal.fu.unsa.ba/index.php/uprava/article/view/152/154>).  
Indeksirano u sljedećim bazama: EBSCO Publishing, CEEOL (Central European Online Library), Research Bible database, cobiss.bh.  
*Osnova za jačanje demokratskih odlučivačkih kapaciteta predstavničkih tijela u Bosni i Hercegovini sadržana je u primjeni demokratskog principa na kome se uspostavlja i funkcionira parlamentarna demokratija. Radi se o uspostavljanju parlamentarne većine zasnovane na koalicionom sporazmu i političkom programu te koalicije.*
5. Tahirović, E. i E. Kuka: *Javne politike u funkciji zaštite okoliša – značaj i uloga u razvoju društva i države*, Uprava-časopis za upravu i upravno pravo, Fakultet za upravu-pridružena članica Univerziteta u Sarajevu, Sarajevo, Vol. 10, broj 1/19, 2019, str. 83-107 (ISSN 1986-5813 – Print; UDK: 323:574.2:911.375.7:581.5 (4-672EU)).  
(<https://journal.fu.unsa.ba/index.php/uprava/article/view/136/136>)  
Indeksirano u sljedećim bazama: EBSCO Publishing, CEEOL (Central European Online Library), Research Bible database, cobiss.bh.  
*Koliko se značaj pitanjima zaštite okoliša poklanja u današnjem vremenu, govori i činjenica da mnoge države u okviru svojih vlada imaju i posebna ministarstva (resore) za pitanja zaštite okoliša i životne sredine. Suština toga jeste da se neposredno*

*radi na sprečavanju zagađenja okoliša, kome su savremeni svijet i savremena društva neminovno izložena.*

6. Tahirović, E.: *Afirmiranje i zagovaranje energetske politike u funkciji ekonomskog rasta i razvoja*, DIT-Časopis za društvene i tehničke studije, Visoka škola „CEPS – Centar za poslovne studije“ Kiseljak, Godina V, broj 2, decembar/prosinac 2019, str. 218-232 (ISSN 2303-8462).  
(<https://www.ceps.edu.ba/Files/DIT/Godina%205%20Broj%202/13.pdf?ver=1>)  
Indeksirano u sljedećim bazama: Index Copernicus International, CEEOL (Central and Eastern European Online Library), cobiss.ba  
*Jedan od najvažnijih i najznačajnijih sektora država u savremenom svijetu je energetska sektor. Od razvijenosti energetskog sektora i energetske potencijala, u današnjem vremenu bitno ovisi i pozicija države u međunarodnim (globalnim) okvirima. Države s razvijenim energetskim sektorom su ključni globalni igrači i akteri svih dešavanja u svijetu. Takve države su jasno i precizno formulirane i implementirane energetske politike u praksi, shvaćajući na pravi način njihov značaj i važnost za razvoj.*
7. Tahirović, E. i E. Kuka: *Posebne sektorske javne politike s osvrtom na specifičnosti i obilježja energetske politike*, Zbornik radova Međimorskog veleučilišta u Čakovcu (Republika Hrvatska), Godina 10, broj 2, decembar 2019, str. 65-72 (ISSN 1847-702X; e-ISSN 1849-1138; UDK 504:620.9).  
([file:///C:/Users/Emir/Dropbox/My%20PC%20\(EMIR\)/Downloads/9\\_TAHIROVIC\\_KUKA%20\(1\).pdf](file:///C:/Users/Emir/Dropbox/My%20PC%20(EMIR)/Downloads/9_TAHIROVIC_KUKA%20(1).pdf))  
Indeksirano u bazi: Hrčak ([www.hrca.hr](http://www.hrca.hr))  
*Prezentirani rezultati analize potvrđuju tezu o značaju i važnosti energetskog sektora i odgovarajućih energetske javne politike za razvoj savremenih država. Zaključak je kako zagovaranje energetske javne politike treba biti prisutno, ali uz obavezno uvažavanje i komplementiranje s drugim vezanim javnim politikama, prije svega politikom zaštite okoliša. Od njihovog usuglašavanja i integriranja ovisi i odgovarajuće implementiranje koncepta održivoga razvoja.*
8. Tahirović, E. i E. Kuka: *Dejtonske kontroverze – javno odlučivanje između parlamentarne demokratije i partitokratije*, Historijski pogledi, Centar za istraživanje

moderne i savremene historije Tuzla, Tuzla, broj 6, 2021 [ISSN: 2637-1502 print; ISSN 2712-0651 online (*rad pozitivno recenziran i prihvaćen za objavu*).

(<https://pogledi.cimoshis.org/>)

Indeksirano u sljedećim bazama: SCOPUS, CEEOL, ERIH PLUS, MIAR, ROAD-Directory of Open Access Scholarly Resources, INDEX COPERNICUS, EURO PUB, ESJI, SIS-Scientific Indexing Services, Slavic Humanities Index, ISI-International Scientific Indexing, ASI-Advanced Sciences Index, ResearchBip-Academic Resource Index, Cite Factor-Academic Scientific Journal, DOAJ-Directory of Open Access Journals, Electronic Journals Library of University of Regensburg, OCLC (Online Computer Library Center) WorldCat, DRJI-Directory of Research Journals Indexing, OAJI-Open Academic Journals Index, Google Scholar-Bibliographic database, BASE-Bielefeld Academic Search Engine, Academia.edu, HeinOnline, ResearchGate.net, cobiss.bh.

*U Bosni i Hercegovini pluralizacija društva i države započinje tokom 1990. godine. To je vrijeme kada se formiraju političke stranke i održavaju prvi višestranački parlamentarni izbori. Usljed jakog utjecaja i dominacije etničkog principa, u Bosni i Hercegovini se 1990. godine formiraju političke stranke u dva osnovna oblika: kao etničke ili narodne (nacionalne) stranke, te kao građanske (multietničke) stranke. Umjesto demokratskog odlučivanja i nadmetanja većine i opozicije, predstavnička tijela u Bosni i Hercegovini postala arenom i mjestom međusobnog nadmetanja i sučeljavanja stranaka koje čine parlamentarnu većinu. Izostanak potrebnog demokratskog konsenzusa između vladajućih etničkih političkih stranaka, na državnom nivou nadomiještao je i nadoknađivao Visoki predstavnik međunarodne zajednice (OHR-a) koji je, na osnovu Bosnskih ovlaštenja, proglašavao pojedine zakone. Umjesto parlamentarne demokratije, na djelu je klasična partitokratija. Izvodi se zaključak o neophodnosti uspostavljanja parlamentarne većine zasnovane na koalicionom sporazmu i političkom programu te koalicije, a što značajno utječe na procese javnog odlučivanja i donošenja potrebnih državnih javnih politika. Od Bosne i Hercegovine se traži rekonstrukcija javnih odluka u pravcu jačanja državnih javnih odluka i politika i izgradnje europskih standarda, radi njihova efikasnijeg komponiranja sa zahtjevima i direktivama Europske unije.*



9. Kuka, E. i E. Tahirović: *Applying research in Public policy analysis* (Primjenjena istraživanja u analizi javnih politika), Zbornik radova sa Treće Međunarodne naučne tematske konferencije "Značaj primenjenih istraživanja za razvoj nauke i rešavanje problema prakse u savremenom društvu", Međunarodno udruženje metodologa društvenih nauka, Beograd (Republika Srbija), 2021.

(<http://metodolog.org/publikacije-tematskizbornici.html>)

Indeksirano u: cobiss.sr.

*Primjenjena (aplikativna) istraživanja do kojih se došlo u drugim naukama i naučnim disciplinama (ekonomija, politologija, sociologija, logika, demografija, statistika, ekonomija javnog sektora) su u funkciji potpunog i širokog razvoja javnih politika kao naučne discipline u okviru političkih nauka, ali i analize javnih politika kao njene subdiscipline. Istraživanja su fokusirana na identificiranje stvarnog utjecaja primjenjenih istraživanja na ukupnost analize javnih politika. Prezentirana studija slučaja pokazuje da su primjenjena istraživanja iz drugih nauka i naučnih disciplina dala odlične rezultate i potporu u pogledu afirmiranja i jačanja procesa formuliranja i implementiranja javnih politika u funkciji rješavanja društveno-političkih problema. Zaključak je da se inkorporiranjem primjenjenih istraživanja u policy-analizu osiguravaju adekvatna aplikativna rješenja za širu lepezu društveno - političkih problema i heterogenih društvenih i političkih interesa, koje neminovno producira savremeni razvoj društva i države.*

10. Kuka, E., Mustafić, M. i E. Tahirović: *Metodološki izazovi određenja fundamentalne naučne paradigme u istraživanju savremenih društvenih pojava*, Zbornik radova sa Nacionalne naučno-stručne konferencije sa međunarodnim učešćem "Trendovi u poslovanju 2021", Visoka škola strukovnih studija "Prof. dr. Radomir Bojković", Kruševac (Republika Srbija) (*rad pozitivno recenziran i prihvaćen za objavu*).

Indeksirano u: cobiss.sr.

(<http://visokaposlovnaskola.edu.rs/konferencija-trendovi-u-poslovanju-2021/>)

*Naučna istraživanja savremenih društvenih pojava i problema zahtijevaju njihovo prethodno opažanje, identificiranje, artikulaciju i određenje predmetne pripadnosti određenoj nauci, odnosno naučnoj disciplini. S tim u vezi, posebno značajno pitanje u nauci je pitanje paradigme od koje se polazi u naučnom istraživanju, počev od konceptualizacije odnosno rekonceptualizacije, izrade projekta naučnog istraživanja, preko realizacije istraživanja i pripreme i prezentacije rezultata naučnih saznanja i*

spoznaja stečenih naučnim istraživanjem, do njihove pojave i norme u konkretnoj društvenoj praksi. Paradigmatske razlike su u osnovi sadržaja problema određenja osnovne paradigme u istraživanju određene savremene društvene pojave. Zbog toga se u metodološkoj literaturi i prave razlike između teorijskih, metodoloških, istraživačkih i drugi paradigmi.

11. Tahirović, E. i L. Kreševljaković: *Važnost i značaj donošenja i provedbe kulturne politike lokalne zajednice u Bosni i Hercegovini*, Uprava-časopis za upravu i upravno pravo, Fakultet za upravu-pridružena članica Univerziteta u Sarajevu, Sarajevo, Vol. 9, broj 2/2018, 2018, str. 49-69 (ISSN 1986-5813 – Print; UDK: 17.021.36:341.945:2-774:342.25 (497.6)).

(<https://journal.fu.unsa.ba/index.php/uprava/article/view/124/123>)

Indeksirano u sljedećim bazama: EBSCO Publishing, CEEOL (Central European Online Library), Research Bible database, cobiss.ba.

*Cilj ovog rada jeste redefiniranje uloge kulturne politike lokalnih zajednica u Bosni i Hercegovini, te ukazivanje na pravo lokalnih zajednica na njeno donošenje i provedbu. Na to ne samo da nas obavezuju mnogi međunarodni dokumenti potpisani od strane Bosne i Hercegovine, već nas svojim primjerom upućuju različiti pozitivni primjeri gradova u Evropskoj Uniji*

### **3.3. Učešće u naučno-istraživačkim i stručnim projektima**

1. Projekat: “Udžbenik za kurikulum predmeta Javne politike“
  - Rukovodilac projekta i koautor udžbenika: *Osnove javnih politika*, Fakultet za upravu-pridružena članica Univerziteta u Sarajevu, 2019-2020.

### **3.4. Učešće na konferencijama, naučnim i stručnim skupovima i okruglim stolovima**

1. Tahirović, E.: 1-3. juli 2021.: učešće na 36th EBES CONFERENCE (Istanbul – Turska), sa dva referata, i to: “THE IMPORTANCE AND ROLE OF PERSONNEL EDUCATION IN THE PROCESS OF PUBLIC ADMINISTRATION REFORM IN BOSNIA AND HERZEGOVINA“ i “CULTURAL POLICY OF LOCAL GOVERNMENT“.



2. Tahirović, E.: 19. novembar 2020. – učešće na Okruglom stolu “Bosna i Hercegovina i Dejtonski mirovni sporazum – 25. godina poslije. Društveno-politički kontekst“, u organizaciji Centra za istraživanje moderne i savremene historije Tuzle, sa referatom na temu: “PROBLEMI I KONTROVERZE JAVNOG ODLUČIVANJA U BOSNI I HERCEGOVINI“.
3. Tahirović, E.: 15. novembar 2019. – učešće na Trećoj međunarodnoj naučnoj tematskoj konferenciji “Značaj primenjenih istraživanja za razvoj nauke i rešavanje problema prakse u savremenom društvu“, održanoj u Beogradu (Republika Srbija), u organizaciji Međunarodnog udruženja metodologa društvenih nauka, sa referatom na temu “PRIMJENJENA ISTRAŽIVANJA U ANALIZI JAVNIH POLITIKA“.

### **3.5. Mentorstva**

1. Mahir Hromo: „Utjecaj javnih politika na alokaciju javnih resursa u Bosni i Hercegovini“, datum odbrane 23.06.2019.
2. Sulejman Aljović: „Usklađenost zakona o javnim nabavkama sa direktivama Evropske Unije“ datum obrane 26.12.2019.
3. Edin Spahić: „Uloga lokalne samouprave u zaštiti životne sredine“ datum odbrane 22.10.2020.

## **4. NASTAVNO-PEDAGOŠKI RAD**

Kandidat dr. Emir Tahirović je, u periodu od 2014-2018. godine, bio “viši asistent“ na Fakultetu za upravu-pdridružena članica Univerziteta u Sarajevu. U navedenom period bio je angažovan kao saradnik na nastavnom predmetu: “*Kulturne politike*”.

Od 2018. godine izabran je u nastavno zvanje docent. Kao nosilac predmeta u docentskom status je angažovan na predmetima: “*Javne politike*”, “*Kulturne politike*”, “*Javna uprava i nevladin sektor*”, “*Javna uprava i politički sistemi*” i “*Evropske integracije*”.

U statusu docenta, kandidat je stekao višegodišnje iskustvo u pedagoškom radu sa studentima i razvio znanja, vještine i kompetencije koje bi andragoški djelatnici trebali posjedovati. Također, u istom period kandidat je uspješno mentorisao tri kandidata tokom izrade magistarskog/završnog rada. Kao predsjednik ili član komisije sudjelovao je u radu velikog

broja komisija za ocjenu i odbranu magistarskih/završnih i diplomskih radova. Član je radne grupe za primjenu Uredbe o kontroli javnih nabavki Ureda za antikorupciju i kvalitet u Kantonu Sarajevo.

U sklopu saradnje Univerziteta u Sarajevu i Univerziteta MARA u Maleziji, realizovao je gostujuće predavanja na predmetu "Javne politike" malezijskim studentima, dok će u oktobru 2021. godine na 8. Međunarodnoj konferenciji za javne politike i socijalne nauke-ICoPS ITeC 2021 Online Forum MARA Univerziteta, biti uvodničar, sa referatom na temu: "Promocija inkluzivnog društva u novim okolnostima: lekcija iz Bosne i Hercegovine".

Na osnovu dostavljene dokumentacije, konstatujemo da je kandidat dr. Emir Tahirović stekao neophodno i adekvatno iskustvo u pedagoškom radu, te ispunio uslove za izbor u pogledu mentorstava kandidata Drugog ciklusa studija.

## 5. MIŠLJENJE I PRIJEDLOG KOMISIJE

Na osnovu analize dokumentovanog naučnog, nastavno-pedagoškog i stručnog rada, članovi Komisije za pripremanje prijedloga za izbor u zvanje vanredni profesor na "Državno-pravnu" naučnu oblast (jedan nastavnik u zvanju vanredni profesor u puno radno vrijeme) konstatuju da dr. Emir Tahirović **ispunjava** sve uslove tražene odredbama Zakona o visokom obrazovanju Kantona Sarajevo i Statuta Univerziteta u Sarajevu za prijevremeni izbor u zvanje vanrednog profesora na "Državno-pravnoj" naučnoj oblasti.

Kandidat je, pored minimalnih uslova za izbor po redovnom postupku izbora u zvanje, objavio još dodatnih šest naučnih radova (ukupno jedanaest) kao i dva dodatnih mentorstava na Drugom ciklusu studija (ukupno tri). Od ukupnog broja objavljenih radova, četiri su u relevantnim citatnim bazama.

Dakle, pored općih uslova propisanih Zakonom o radu u Federacije Bosne i Hercegovine, kandidat dr. Emir Tahirović, ispunjava i minimalne uslove za izbor u zvanje akademskog osoblja u naučno-nastavna zvanja na visokoškolskoj ustanovi koja se odnose na izbor nastavnika u zvanje vanredni profesor, a koji su propisani članom 96. i 115. Zakona o visokom obrazovanju Kantona Sarajevo ("Službene novine Kantona Sarajevo", broj 33/17) i članovima 194., 201., 202. i 203. Statuta Univerziteta u Sarajevo:

- Proveden najmanje jedan izborni period u zvanju docent ili najmanje tri godina nakon posljednjeg izbora;



- Najmanje pet naučnih radova iz oblasti na koju se bira, objavljenih u priznatim publikacijama koje se nalaze u relevantnim naučnim bazama podataka i dodatna tri rada u citatnim bazama;
- Objavljena knjiga;
- Originalni stručni uspjeh kao što je projekat, patent ili originalni metod, sve nakon izbora u zvanje docent; te
- Uspješno završeno mentorstvo najmanje jednom kandidatu za stepen drugog ciklusa studija odnosno reformisanog/integrisanog studija.

Na osnovu prethodno iznesenih činjenica o rezultatima ostvarenim u nastavnom, pedagoškom, naučnom i stručnom radu, Komisija konstatuje i jedinstvena je u mišljenju da kandidat dr. Emir Tahirović ispunjava sve uslove predviđene Zakonom o visokom obrazovanju Kantona Sarajevo i Statutom Univerzitetat u Sarajevu za izbor u zvanje vanredni profesor na "Državno-pravnu" naučnu oblast, u punom radnom vremenu.

Na osnovu gore navedenog, Komisija, sa zadovoljstvom predlaže Vijeću Fakulteta za upravu-pridružena članica Univerziteta u Sarajevu i Senatu Univerziteta u Sarajevu da izaberu

**DR. EMIRA TAHIROVIĆA**

**u zvanje VANREDNI PROFESOR na "Državno-pravnu" naučnu oblast u puno radno vrijeme**

Sarajevo, 01.10.2021. godine

ČLANOVI KOMISIJE:

Prof. dr. Lada Sadiković, predsjednik

Prof. dr. Nezir Krčalo, član

Prof. dr. Elmir Sadiković, član